

Cu ayudo di MEP partido LPR ta logra sosten necesario

CU gran satisfaccion parlamentario Rycond Santos do Nascimento, alabes lider di partido Lucha pa Reforma, a celebra ayera merdia su prome triunfo ora cu LPR a logra di acumula e total rekeri di 587 forma p'asina por participa den e proceso electoral di dia 6 di December venidero.

For di diamars mainta cu lider di fraccion di MEP den Parlamento, Hendrik Tevreden a haci un apelacion riba sostenedonan di MEP pa nan bay firma pa

sostene nan “ruman” Rycond, e lista di LPR sa cuminsa yega y pa merdia di ayera el a logra su meta.

Un sosten cu Tevreden a mostra bon cla cu e ayudo aki ta solamente pa permiti un amigo, un ruman su participacion den e proceso electoral pero pa tur hende corda cu dia 6 di December nan tin cu vota pa candidato number 6 riba lista geel, cu ta su persona.

Cu MEP a bin ta considerando Rycond un ruman y un amigo, ta data for di ultimo reunionnan den Parlamento, caminda Rycond a dicidi di sostene tur loke cu e por cu a bin for di fraccion di MEP y el a para duro den e reunion caminda Parlamento a dicidi di baha Endy Croes como Minister, ora cu e no as vota pro e mocion entrega p'esaki.

Rycond a mostra alivia y hopi contento pero na mes momento e mester ta hopi insegur di su futuro como politico ya cu mientras cu el a ricibi sosten di 587 firma e siman aki, su realidad politico ainda ta pega n'e cifra di 214 voto cu el a ricibi den eleccion di 2021 como number 5 riba e lista di partido AVP.

Sin duda cu e cifranan aki ta motibo pa Rycond aumenta su ritmo di campaña cu su coleganan di e partido LPR ya cu pa dia 6 di December, su ruman MEP lo atende solamente beneficianan geel y nada mas.

E triunfo logra ayera no ta ningun garantia cu Rycond y su partido por mira dilanti cu hopi optimismo ya cu si analisa resultado di eleccion di 2021, el a logra 214 voto en total riba un lista berde di AVVP cu como partido a gosa di un sosten di 18.348 voto.

Esaki ta muestra cu Rycond su aporte na resultado final di eleccion di 2021 pa partido AVP, tabata di solamente 0.857%, loke a converti su persona den un decepcion inmenso p'e organizacion politico aki.

Awor cu e logra di a ricibi sosten di 587 voto e siman aki, esaki no ta duna Rycond ni e partido e siguransa cu e lo supera e total di 214 voto pa eleccion di dia 6 di December proximo.

LIMITED TIME OFFER

SHERWIN WILLIAMS

YEAR END Mega Sale

SuperPaint
PAINT AND PRIMER IN ONE

EXTERIOR 100% ACRYLIC
WATER BASE PREMIUM PAINT
A80 T 1154
6504-31158
ULTRADEEP BASE
— FLAT —
MATE

INTERIOR ACRYLIC LATEX
LIFETIME LIMITED WARRANTY
A86 W 1151
6500-98182
EXTRA WHITE
— FLAT —

AWG 75

BUY NOW